

POLITIKA INTEGRIRANOG SISTEMA UPRAVLJANJA

Uprava TEMAX BH d.o.o. je svjesna važnosti kvaliteta proizvoda i odgovora na zahtjeve zainteresiranih strana, propisanih normi za osiguranje sigurnih i zdravih uslova rada, zaštite okoliša te je u tu svrhu uspostavljen integrirani sistem upravljanja prema normama ISO 9001, ISO 14001 i ISO 45001. Uspostavom integriranog sistema upravljanja ističemo naše prioritete:

Poštivanje temeljnih i ljudskih prava

Promovišemo jednake mogućnosti i jednak tretman za naše zainteresirane strane, bez obzira na njihovu boju kože, etničku pripadnost, nacionalnost, socijalno porijeklo, mogući invaliditet, seksualnu orientaciju, politička ili vjerska uvjerenja, spol ili godine. Poštujemo lično dostojanstvo i lična prava svakog pojedinca.

Zaštita zdravlja i sigurnosti radnika

Zalažemo se održavati odgovarajuće uslove rada u procesima sa aspekta zaštite na radu i zaštite zdravlja radnika na bazi propisanih zakonskih odredbi, standardnih normi i internih pravila u cilju potpunog eliminisanja potencijalnih rizika. Svi učesnici procesa imaju priliku i obavezu prepoznavanja opasnosti, eventualnih rizika i donošenje mjera za njihovo otklanjanje.

Okoliš

Dio smo okoliša i naš cilj je zaštita okoliša od mogućih nepovoljnih uticaja naših aktivnosti. Analiziramo i sistemski pratimo značajne aspekte koji mogu imati negativan utjecaj na okoliš kako bi prevenirali njegovo narušavanje i na taj način unaprijedili upravljanje zaštitom životne sredine.

Kupci

Svaki naš kupac ima posebnu vrijednost te naše procese po potrebi i želji usmjeravamo na „tailor made“ proizvode koji su tačno po mjeri i zahtjevu naših kupaca.

Zaposlenici

Zaposlenici su naša vrijednost, naši resursi na kojim se temelji TEMAX BH doo. Nastojimo biti kompanija u koju ljudi žele dolaziti raditi, educirati i razvijati se i biti dio savremenog poslovnog svijeta. Zadovoljni, kompetentni i motivisani radnici garancija su našeg uspjeha i održivosti. Svjesnost radnika da je važna karika u lancu naših procesa održava uspostavljeni integrirani sistem upravljanja.

Dobavljači

Odabrani dobavljači materijala i usluga garantiraju realizaciju našeg proizvoda sa usaglašenim parametrima kvaliteta. Dobavljače upoznajemo kroz specifikacije sa našim zahtjevima i ugovorom definišemo odgovorno, etičko djelovanje i slijedenje kodeksa poštene poslovne prakse.

Proizvodi

Odabriom kvalitetnih sirovina, profesionalnim angažmanom naših zaposlenika i uspostavljenom kontrolom garantujemo kvalitet i sigurnost naših proizvoda. Kvalitetan i siguran proizvod je imperativ u našem radu.

Usaglašenost

Dosljedno pratimo zakonske zahtjeve, norme standarda ISO 9001, ISO 14001, ISO 45001 i specificirane standarde proizvoda kako bi dobili visoko kvalitetan proizvod.

Opasnosti, rizici, prilike

Za naše uposlenike je prepoznavanje opasnosti, rizika i prilika u procesima, prioritet i zadatak sa ciljem eliminacije neželjenih uticaja i unapređenje sistema.

Stalno radimo na obezbeđenju potrebnih uslova s aspekta sigurnosti rada, zaštite zdravlja radnika, zaštite okoliša radi očuvanja zdravlja radnika ili okoliša.

Vodstvo

Svakodnevna uključenost uprave i vlasnika u komunikaciju sa svim operativnim nivoima osigurava da se politika integriranog sistema na pravi način komunicira unutar TEMAX BH, a primjereno svrsi i kontekstu organiizacije.

Komunikacija

Uporno radimo na usavršavanju sistema koji osigurava ispravnu, pravovremenu i pouzdanu komunikaciju da bi odgovorili na zahtjeve zainteresiranih strana. Osiguravamo model komunikacije za naše zaposlenike kroz koje mogu izraziti svoja mišljenja, prijedloge, zabrinutost za bilo koje područje aktivnosti naše organizacije, javno ili anonimno.

Trajna poboljšanja / kvaliteta

Osiguravamo praksu razmišljanja temeljenu na prepoznavanju rizika i prilika kako bi nas vodilo ka kontinuiranom poboljšanju uspostavljenog sistema. Ostvarujemo postavljene ciljeve koje definišemo kao jasne, mjerljive, vremenski određene i u skladu sa našom politikom.

Orašje, 01. 06. 2023. Godine

Direktor

